

cos in Christum redivivum, Arcæ federis Antitypum, conjicie-
bant, & in deliciis sibi resurrectionis mysteria ponebant. To-
ta triumphantium Animarum turba veras, & meras è Resurre-
ctione Christi percipit delicias, & gloriosum eventum, quem Hie-
rosolymis habere debuerat, de quo Moses & Elias in Monte
transfigurationis cum eodem contulerant *Luc. IX. 31.* tripudiis
æternitatis excipit. Delicium Resurrectio Christi svayissimum
in Regno gratiæ, quocunq; nostros animas & animos, & fidei
mysticos oculos vertimus, nil nisi delicias & cernimus, & sen-
timus. Gustate, & videte, quam suavis est Dominus in resurre-
ctione sua: Beatus vir, qui sperat in eo *Psal. XXXIV. 9.* Magnas
parit fidelibus delicias malorum sublatio, majores bonorum re-
paratio, maximas beneficiorum omnium colatio. Nemo vel
cogitationibus satis asseqvi, vel congruis verbis perseqvi pote-
rit, qvæ deliciarum paschalium sit multitudo, sit magnitudo.
Nec in regno potentiae deliciarum paschalium indicia deficiunt.
Nam cælum exultat, & suis incolis amplissimam lætandi mate-
riam suppeditat, quandoq; idem Rex gloriæ *Psal. XXIV. 8.* suum
in cælo Regnum gloriæ per gloriosam resurrectionem inchoat.
Sol omnes passionis tenebras discutit, & majorem, quam alias
solet, splendorem adsumit, de thalamo suo surgit, & tanquam
sponsus procedit, ut *Gigas* ad currēdā viam suam exultando su-
um gaudium & delicium ostendit, *Psal. XIX. 5.* dum solem ju-
stitiae Christum Jesum *Mal. IV. 2.* in vitam restitutum novit.
Terra pariter summis deliciis commovetur, dum ante mortuū,
nunc è morte redivivum creatorem conspicit. Cum
primis autem homines in Salvatore suo veras, & meras delicias
cernunt, veraq; fide gloriōsam resurrectionem sui Redemptoris
apprehendunt, & omnes tam mares, quam mulieres, tam gentes,
quam *Judei*, Christi resuscitationem in animæ suæ delectatio-
nem convertunt. Et certe majus Resurrectio Christi benefi-
ciū, quam ut à nobis hominibus planius observari, & plenius
explicari possit. Transcendit intellectum, superat captum,,
& omnem cognitionis actum, summum Resurrectionis Christi
beneficiū: est ὁμολογουμένως μέγα τῆς εὐσεβίας μυστήριον,
quod Jesus à mortuis propria virtute resurrexit, & angelis ac
homi-